

Ged bha a'n' teagaisg ri fhaicinn briadhedh  
 Bha mealltaireachd mhor fuidh chomhdaich cleochd :  
 'S bha thus' a Dhomhnall a sir thoirt fianuis :  
 Nach b'ionann iadsan a'm' beil 'san eridh'—  
 Nach robh an diadhachd mor 'sa chudthrom,  
 'S nach robh iad fein ach mar luibh gun bhrìdh—  
 Neoil gun uisge 'ad air feadh na speuran,  
 Air an iomuinn le gaoith ma'n cuairt—  
 Fa chomhar dorchadas air a'n gleidhedh,  
 Gun ac' a fireantachd idir pairt.  
 S' bha thus' a g'èidhech gu treun gach latha :  
 Gur h'ann bha'n eifechd a fuil na h'ìobart,  
 'S gur e a sluagh sin a dh'aichedh Criosda  
 Bhìdh ann san shiorruichd ada millt'.  
 'S aobhar naire agus broin 's maslaidh  
 Do mhoran chinn-iuil nan dall :  
 Gur ann a bha iad ri fanoìd mhor ort,  
 'Siad fein air seachran 's fad air chall ;  
 Iad gu dian 's gu luath a'n toir ort,  
 A smuainten gu robh iad an obair Dhe' ;  
 'S gur ann a bha iad a'm paighedh shatain,  
 'Sa toirt da innlichden suibhel reidh ;  
 'Scha b'ann mar dh'fheumadh iad dhol na'd' threuna  
 'S an trompaid fhuaimnech a sheideadh cruaidh,  
 'S crann na brataich a chumal suas leat,  
 'S gun seallaidh cul thoirt a'n taobh's do'n uaigh ;  
 Ach a'n ait do chuidechedh ann sa chruidh-chas  
 'Sann bha 'ad feuchinn gu tric ri'd' theum,  
 'S beg an t'ìoghnadh 's spiorad Chain  
 Ga sir threoraicheadh ann sgach ceum.  
 Cha'd' ghabh thu fianh rop' ge'd' bhaiad lionmhor  
 'S am buireich fhiadhech sir dhol a meud :  
 Iad beo do shatan, ach marbh nan traillein  
 Do theagaisg firinn 's focal Dhia.  
 'S ge'd' bha a saighden gu tric ga'n tilgedh  
 Ghleidh thus' a bhuaidh orr' a dhaindeoin spairn ;  
 Oir bha 'chlarsaich bhinn a sir sheinn gu ceolmhor,  
 S' carbad Israeil dlu ort sa'n ann.

Bha a'n'earail naomh a thug Iosa Criosda